

小

草

齋

集

小草齋集卷之二十五

陳留謝肇淛著

友人王毓德校

五言絕句

采蓮曲二首

采蓮復采蓮蓮葉大如斗
上有百子房下有同根藕

郎莫采蓮花儂莫采蓮子
子去只空房花落隨流水

從軍五更轉五首

一更初安營望見天山月蕭蕭戰馬鳴涼風吹
人骨

二更夜寂寥月高露初落燈前看鐵衣血腥不
堪着

三更擊刁斗令嚴無人聲孤鴻叫天外雙泪落
衣纓

四更斗柄橫霜飛轅門戟擊火作晨炊觸指墮
寒石

五更笳角動荒山無啼雞束甲問偵騎虜在陰
山西

鷓鴣詞一首

年年春草綠處處鷓鴣啼湘水風波惡郎歸自
大堤

去日筓穿籬來時竹發枝斑斑枝上點是妾斷
腸時

金井怨

綆斷玉瓶沉美人自歸去明月下銀牀寒蛩泣

相語

春怨

長信多春草
愁中次第生
君王行不到
漸與玉階平

夏怨

永巷深無暑
青門蟲落夜
燈昭陽倦
歌舞新賜一池水

秋怨

明月憐團扇
西風怯綺羅
低垂雲母帳
不忍見

銀河

冬怨

鳳炭凍含烟霜花脆夜絃長門無日月寒盡不知年

古意

拭我雙寶刀投君千黃金報仇亦報恩悠悠一寸心

塞下曲

雲裏雁聲來邊人首盡回天山一輪月正照鈞臺

鄉臺

明妃詞

妾命從來薄無煩怒畫師單于長款塞是妾報
恩時

閨意

遊子三千里空闔一十霜一枝湘水竹寄與薄
情郎

前溪歌二首

出門望前溪郎在隔溪渡溪上雙明星照人不

可駐

金縷牽銀瓶步向前溪汲貪看芙蓉花水濺羅
裙濕

早行山中

驅車入雲烟霜山皆銀色恠禽作鬼啼枯樹如
人立

下第歸宿彭城

北至三湘鴈南還萬里人孤燈空館裏形影自
相親

夜雨

夜雨滴秋堦雞鳴聲未已
寒窓燈燄微
淚濕合歡被

題扇頭小景

細雨濕空青
千山半烟樹
滄江一葉舟
不辨潮歸處

度江

遠水危峰起
澄天返照涵
幾年燕地客
今日是江南

入晉安城

海市層烟起秋城曉角哀烏山青點點疑是夢
中來

聞漁歌

漁郎初學歌聲滿秋江水孤月出波中鷓鴣驚
飛起

碧浪湖晚望

日落湖水平涵虛氣杳冥歸帆天際盡一點峴
山青

蘭陵逢故人

蘭陵沽斗酒，醉來歌送君。
孤嶂吐微月，空江生白雲。

舟過七里灘

兩岸幾重山，孤舟七里灘。
灘聲千萬道，併作釣臺寒。

月夜江行

春水平如鏡，青山雨後新。
孤舟今夜月，偏照異鄉人。

枕上聞鳥聲二首

露殘春葉稀
日出花影衆
百舌隔窓啼
驚破幽人夢

鳥語風中碎
楊枝簾外斜
草堂春寂寂
落盡碧桃花

錢唐觀潮

風捲潮頭黑
雲蒸海氣黃
浪花二十丈
愁殺踏潮郎

宿吳山樓二首

佛火明還暗 羈魂夢復驚 秋風一夜起 落葉與
窓平

故國星河暗 嚴更鼓角悲 孤猿與斷鴈 况是夢
迴時

客夜苦寒

孤館燈初燼 層簷霜欲凝 吳山一聲鴈 客泪數
行冰

靈巖雜詩

館娃宮

荒臺已遊鹿故宮空啼鴉年年春風生落盡棠
梨花

響屧廊

不聞虛廊鳴但見空山橫山中多白楊蕭蕭風
雨聲

琴臺

吳歌曲未終越甲蔽天來秭今臺下泉泠泠生
清哀

西施洞

宮闕已成灰香魂那能駐石榻洞門深孤雲自
來去

翫月池

歌舞旣亡吳陵谷亦遷越池中幾度灰唯餘青
天月

翫花池

粉黛久銷沉芳運亦寂寞往事逐水流春山空
花落

吳王井

金甃圍寒波玉泓開素練青山倒影來疑是芙蓉面

硯池

一脉開靈源半壁破空翠歲久蒼苔深數行科斗字

香水溪

西施初入時冰壺浸紅玉人去香亦銷晴空鸕鵝浴

天池雜詠

天池

絕巘激清湍飛泉百道寒幾番春雨後僧試小

龍團

石鼓

石鼓鳴何意漁陽第幾槌夜深僧定後驚落一

天花

石室

像古苔春合亭虛雲夜還空門本無滅何用錮

南山

龜巢石

山椒一片石洞裏千年龜只在蓮花畔山僧不敢騎

虎跑泉

地從鷲嶺借泉是虎跑開一片華山月年年照綠苔

蒼玉洞

蒼玉無人採青山秋自寒道人騎鶴過蹴碎碧

琅玕

舍身臺

山色蒼茫盡江聲日夜哀不堪多病後更上舍
身臺

宿旅邸寄內

野店寒偏早空闌夜正長客心何太苦歸夢亦
他鄉

無題

一別大江頭羅衣泪暗流楓林二十里錯憶是
紅樓

新安馬上口占

亂葉撲驚駭，征衣濕翠嵐。風霜雖自苦，猶喜是

江南。

覽鏡

我有秦時銅，能照人心膽。鬚髮非神明，何事塵
吾覽。

撫劍

我有三尺鐵，夜作蒼龍吼。滿目皆不平，寸心爲
誰有。

讀書

我有千種書，草編手不捨。何處吾吟聲，石牀雙

柳下

閱畫

我有數卷畫，年代不可考。神物恐終飛，誰復代

吾寶

焚香

我有旃檀香，薦以雕玉几。侍兒手自焚，繡經禮

大士

鼓琴

我有嶧陽桐朱絃鏗玉軫紙窗花影中一曲思
歸引

揚管

我有紫霜毫吳興溪頭作袒跣向北窗淋漓風
雨落

圍棋

我有楸玉枰爭持不肯任意闌局亦空勝負歸
何處

種花

我有曲欄花深教翠幙護豈不愛景光風霜常
見妬

烹茗

我有小龍團采之春雨後碧漿瀉玉壺松風生
兩肘

東郡懷古一首

晉連多意氣一矢下堅城千載雄圖盡河流日
夜聲

關樹無春色
荒城起戰雲
城東諸父老
能說盛將軍

得侍兒書

去日冰初合
如今春草生
知君愁絕處
不敢問歸程

答

客裏無春信
思歸不自由
愁心何必問
漳水是東流

花下偶然作二首

偶然開竹籬雀噪花枝暮籬外細雨聲風吹白
榆樹

牆上戎葵花綠枝間紅萼風來人不知吹開復
吹落

海曲中秋

香閣青蛾冷高堂白髮新傷心今夜月三地照
離人

江上曲

彩鷁玉花驄相逢意未通芙蓉不可采江上已

秋風

偶書

昔日碧桃樹今成荳蔻花
綠陰穠似幄春色向誰家

秋閨二首

素月皎於霜落葉聲如雨
出戶見明河入門拂砧杵

郎如堦前葉妾似堦下草
葉已隨風飄草獨守

枯槁

春日二首

愁來不禁春春風故相惱吹花一回新吹人一
回老

白髮對花枝強歌心素已莫畏花笑人花開復
能幾

舟行戲作疊韻

船邊烟連綿岸畔棧暗斷沙窪葭花斜日看綻
爛熳

九日登城樓

白鴈霜前斷黃花雨後衰
雲山空滿目不似故鄉時

寒夜

歲莫渾無事虛堂寂寂燈燈前
二尺劒相對冷如冰

花燭詩五首贈林茂之新婚

蘭燭耀銀屏鸞輶夾鳳笙
含羞不肯下故故待郎迎

銀蒜流蘇帳金華錯繡襦
相持不解帶微風生

暗香

薄鬢新上頭盤龍不須照時學秣陵粧斜作半
邊俏

妾家三山下僑居臺城裏拜罷低低聲與郎叙
鄉里

月作蛾眉色花如金粟飄擲車與傾國併作可
憐宵

橫塘詞一首

橫塘平不流蓮花紅於茜吳姬采蓮歸荷葉半

遮面

洞庭一片雲橫塘半溪雨孤舟不敢行微燈隔

東浦

喝水巖

以下五首鼓山詩

去來本無踪喧寂復何有月落空澗中禪心君
知否

吼雷湫

青天巨長虹白日風雷吼山僧寂不聞餘寒散

窓牖

白雲洞

白雲不生滅古洞無開閉僧卧雲亦還松風吹
巖際

海音洞

法海本無音空洞自窅窅誰爲大知識鑿此渾
沌竅

三天門

鳥道蟠石鑄危梯不可步下有面壁僧上有通
霄路

宿黃崎嶺

到海路已絕空村人獨眠愁風復苦雨始信夜
如年

沙溪舖次茅薦卿王永叔壁間韻

愛雞亦惜肋人棄我還食世情濃淡間此味誰
能識

題畫

空山數株木曲澗鳴深谷幽人自讀書白雪濕

茅屋

屢訪袁中郎吏部不得

瘦馬立蒼苔重閣鎖不開應知籬棘地未許故人來

庚戌閏二月二日

歲已四十四閏當三月二衰顏臨曲水兩度復何堪

田家詞十一首淮南道中作

前年田苦蝗去年田苦水待得今年收妻孥半餓死

秋穀已滿箱麥苗茁盈尺糶穀納官租逋賦從此畢

高原種黍米低田種水稻一低復一昂醉卧淮南道

榆莢亦有錢柳條亦有絲絲不堪作帛錢不堪濟饑

蕎麥正苦水鷓鴣莫亂鳴木棉未上梭生憎促織聲

荒田多茂草人棄儂獨惜饑時茹其根亦勝溝

中瘠

儂家好新婦力作身材長不願多兒女但願足
稻梁

炊稻然稻稈稻熟稈亦灰蔓藤纏棗樹業風吹
不開

癡兒鞭黃犢驅向江東賣得錢沽酒食春畦自
鋤菜

健兒應官募挑河復塞壩何如田家翁曝背茅
簷下

小男年十五上樹如猿猱
爺孃不相惜履霜刈
菅茅

九月擣寒衣泥窖閉北戶
笑殺車下兒寒來酒
當布

輿夫謠十四首

肩輿受官直一錢行一里
沿途付酒家何暇供
妻子

縣官無見錢錢在夫頭處
百文四十雙敢怒不
敢語

臨期來應募半是悲田見蠍虎代蜥蜴昏沉喫
鞭笞

入門競喧爭出門便轉覓但聞諍語聲嗷嗷不
可識

長程與短程中途紛交易刺刺不肯行爭錢起
相擊

得錢便樗蒲據地瞋相距一擲囊已空脫衣作
孤注

不畏風雪寒不畏沙磔起但願風吹土高山作

平地

八月秋雨多黃河一夜決百里斷人行舍輿操
舟楫

晝行索前驅夜行索燃火意氣殊揚揚聞來卧
道左

馳馬蒼頭奴使酒復倚勢惟有數文錢消盡不
平氣

日暮投主人隔樹望帘影主婦笑相迎土床烙
胡餅

曠野多於田輿人多於馬相逢便相識俱是悠
悠者

人苦過客多儂獨畏差少一月絕送迎輿人皆
餓殍

業風吹黃塵珠玉成糠粃無數少年郎憔悴
下死

桃丘官署雜詠

來雲樓

晨望日觀峰秀色若可把時來膚寸雲空朝雨

天下

綠雨軒

顧影惜此君
離立三
四
五
幽人夜無眠
挑鐙聽
秋雨

三餘齋

寒夜風雨來
得此意中事
一官如贅疣
三餘併
爲四

杞園

古榦埋雲根
青苗蔓石髮
中夜老根精
時出吠

山月

易亭

苦節何以貞習坎自當止世味本無涯盈虛有
定理

棗徑

幸同桃李實莫作荆棘刺繁枝過短牆任作西
鄰利

伐檀堂

伐檀實河干河水連且泚素心對安流一笑松

風裏

文官果

木集復蝸居自有餘甘味不知大夫封何似文
官貴

蒲桃

馬乳非所珍閒却青絲籠月白露復清滿架香
風動

丁香

寒風吹積雪一枝春初漏却憶江南春林花已

如繡

梨花

石上殘雪飛林端孤月曙美人捲簾看聞香不知處

蚤起送客一首

嚴城柝未罷野店炊初起送客騎馬回雞聲度

秋水

殘月猶在地津吏催船去驚起雙鳧鷺低飛向

幽渚

運河謠二十首

十日東風起河冰凍未開閘河南去路盡是望
夫臺

韓庄初築壩估舶下彭城聞說黃河水風波不
可行

泗上西風起猶傳猛士歌只今亭下水非復漢
山河

太白樓前水朝朝送去帆吳姬年十五能唱望
江南

堤上榆連理湖中藕並頭生憎南旺水平地兩
分流

三月桃花雨催人古渡頭寄書多不達汶水是
西流

大挑復小挑來往不辭遙栽樹仍巡樹暮暮與
朝朝

四月雨全無河乾水櫃枯可憐秋漲後禾黍盡
成湖

日落徐君墓苔荒挂劍臺至今臺下草終不沒

蒿萊

戊巳山頭望孤城帶野烟夜來風雨惡驚起老龍眠

阿城春水滿夾岸盡魚鹽估客初停舶胡姬半卷簾

家住官窰口來往淮南道年年秋露深賣荳載梨棗

郎從衛河去幾日到天津莫上黃花渡風波愁殺人

綺繡千條陌歌鐘十里樓清源風物好絕勝似
揚州

月上黃沙渡天寒白馬營片帆二百里不似聞
河行

樹遮龔遂廟江抱獻王墳舟散鹽亭暮長蘆一
片雲

大舸下清源風高日易昏青青河畔草盡是別
離魂

歎息郎兒口清漳不斷流至今滄水北猶自說

瀛洲

潞河從北去漳水自南來郎心如大海一去無
時迴

約郎在天津城頭望海市日出烟霧消問儂何
處是

聞角

山館夜蕭蕭孤燈人悄悄何處落梅花一聲霜
月曉

秋園

礪戶寒雲積松門白露流西風何處起一樹梓
花秋

砧聲

香杵試清砧聲高夜復深憑風吹遠近不及玉
關心

春園

疊却香羅衣上有傷春泪十日不開園閒殺蒲
桃穗

題僧寺二首

門前雙碧峰影落半溪水老僧不出山石橋蘚
花紫

禁足不閉關護生初結夏一樹旃檀花風中開
復謝

五月四日郊行

積水滿方塘芎蒲應節長蛙聲休亂沸明日是
端陽

午日榴花

赤日愁方午紅塵鬱未開不堪如火色更對紫

霞盃

幼女詞

幼女學彈箏捲銀作指爪笑問織女星階前拜
乞巧

荷風

凌波出紅妝迴風散香麝盈盈不自持蜻蜓飛
復下

柳溪

誰將一疋練照此千縷金風雨夜來急春光愁

人心

聞鶯

堤柳千條綠溪烟一片青鶯聲雖自好不似故園聽

題錢進士宴歸圖

日落曲江寒宮袍窄繡鞍馬嘶塵不起芳草滿長干

閨夜

燭暗篆烟斜香風動絳紗玉階人獨語微月在

梨花

舫齋二首

泊宅時來往浮雲自去留此身元不繫相對總
虛舟

草色風深淺松聲浪有無人間風浪惡元不在
江湖

城高巖

一錫卓孤峰寒雲落暝鐘山僧與飛鳥共宿半
枝松

秋夜

獨鴈啼雲急寒砧擣月涼露華將客鬢一夜盡
成霜

宿連窩寄侍兒

畫鷁與青蛾盈盈隔衛河夢迴人不見虛說宿
連窩

過舊人宅

琴斷鳳凰絃苔蝕鴛鴦瓦門前複合花故人來
繫馬

丙辰清明前一日發桃丘

細雨裊行旌歸裝一劍輕莫攀堤畔柳明日是

清明

過黯淡灘二首

雪浪銀河落雷聲白日寒片帆輕似鳥飛度昏

高灘

到險渾難住中流若有神前船已過了愁殺後

船人

見死馬戲詠

力盡辭金絡恩深望敝帷猶存千里革裹取義
男兒

口字詠

磊砢落名誰問因君強嘯歌詎知羣吠影始信命
如何

吾咿何足言品藻同蒼狗俗客各噉名落落君
知否

死鳥

命逐虞羅盡魂隨日馭馳誰憐失母者夜半獨

啼時

萱草

憂來不可掃，詎爾便能忘。
持取宜男意，春風滿北堂。

見一春令爲羣鳥所啄而死，咏之。

力遇強胡合，魂隨弱草殘。
原頭有兄弟，叫斷暮雲寒。

萍

零落青樓暮，餘波託此身。
莫愁根蒂淺，猶勝逐

山熊

青樓吹春柳丹山發朝曦
黑海浴玄猿白池隱鷺鷥

方圓動靜詩

方如榆筴眼圓如菱花面
靜如入定禪動如法輪轉

方如楚城隅圓如隋侯珠
動如激水碓靜如石龜趺

天竹

翠平色傍蘭苔凌寒數尺條一從列窓牖何意復
雪雲膏

題僧舍墨海棠

已恨無香者那堪色也無只應雙樹裏坐對一
禪楮

咏筆架

斐几淨涵空青石天卓數峰毫端開五色一一紫
芙蓉

咏弓

玉靶魚端弓新絃月半空天山間可挂休落酒
杯中

戲咏新月

欲落挂微明蛾眉半已傾女兒渾不解指道是
初生

咏步搖

繞指蹙金絲凌波動玉趾花間雙蜻蜓欲集還
驚起

小草齋集卷之二十六

陳留謝肇淛著

友人陳宏已校

六言絕句

姑蔑舟中

一路山色雨色盡日禽聲水聲江上斜陽遠艇
天邊亂樹孤城

題山中隱居

落日孤村野烟西風獨樹哀蟬坐對白雲處處

八首
門看流水年年

春日舟中

芳草看人未去晚風吹酒初醒
半夜潮歸月白前林雪盡山青

贈行脚僧

錫杖驚飛孤鶴芒鞋踏破千峰
度海幾迴見月隔林何處聞鐘

故鄣大雄寺對雨二首

木末凍雲不散空中法雨長飛
山僧香前出定

澗風酒後吹衣

烟鎖禪林
暗雨來竹徑
初斜隨風散入講殿
比丘指作天花

舟中二首

露濕釣竿獨坐日
昭蓬窓未起眼中無限世情
付與青山流水

隔江樹影山影近
水漁家酒家南陸
數聲孤雁
西風兩岸蘆花

夏日郡齋雜興二十首

林花且開且落雨氣欲晴不晴繞楊樹影山影
隔簾蟬聲鳥聲

雨水試烹香茗午窓飽瞰胡麻米沁一椀北果
床堆數卷南華

屋角亂堆榆葉簷牙斜亞槐枝雨生半壁蝸蘚
風動滿園兔葵

匣藏米鏹三尺架榘牙籤五車世路呼牛呼馬
丈夫可龍可蛇

遶牆萱草如黛過檻榴花欲然稚子徐搖鵲扇

侍兒輕促鴟絃

消愁紋楸一劫解熱水桃數枚午飯麩孤正熟

晚香茉莉初開

雨後從人移竹日落呼僮灌花茶薇縈迴上架

朱蘭次第抽芽

斗帳松風暗入紙窓蟲網晴交猫臥花茵哺子

鵲喧樹杪營巢

生計數行柔翰人情一片秋雲雞肋吾曹了了

羊腸爾輩紛紛

懷刺嬾隨過舫避喧愛上危樓東來一片岱色
銷盡十年客愁

宋硯如新如故吳毫不瘦不肥搦得蘭亭未了
侍姬催看薔薇

熟紙臨淳化本名香爇博山爐花間時喚雪女
酒後頻呼酪奴

暑到斜憑鬆几飯來喜得萍虀頽然欹枕一夢
窓外流鶯亂啼

門鎖暫辭塵鞅風來頓失炎蒸最是閒中相惱

竹枝拂殺蒼蠅

風沙難入嘯詠月俸僅堪置書逐鹿雄心猶在
雕蟲宿業未除

綃帳芙蓉色暗羅衣楊柳枝纖如殺梁間紫燕
雙雙飛入珠簾

從俗漸能噉麪病渴惟思飲冰露坐喜無蚊蚋
沿簷捉蠍燒燈

竹架半容鴿宿石盆閒看魚遊鷗鳥又忘海叟
蝴蝶時化莊周

謝客絕無迎送間
曹不廢嘯歌赫蹠數幅宿債
風月半生病魔

月出傳呼紅拂詩成錄付青衣浴罷
隄前踞臥
綠楊影裏螢飛

歲暮二首

十四年來萍梗五千里外雲山天寒積雪未掃
日暮孤鴻獨還

官舍寒同禪室荒城寂若孤村殘年夜夜鄉夢
愁雲家家閉門

寄金陵臧晉叔

萋萋碧草春色水淋漓長江客愁紫蓋山中白石
赤欄橋畔紅樓

苦雨

天低山色初昏風定愁雲尚繁客枕孤城夜雨
人家流水空村

上饒道中二首

溪北溪南鳥道山前山後人家雨損芙蓉秋蓋
風吹木槿朝花

竹籬有徑不掃水碓無人自鳴一片寒溪山影
數行殘柳蟬聲

山行二首

落月疎星遠村淡烟短樹柴門馬頭一覺殘夢
山外數聲斷猿

何人不上鳥道有客自歸鹿門萬里春心紫鸞
三年別泪清猿

渡江

銀濤萬馬吼夜玉荻半江鳴秋惟有山僧高臥

推窓閒看潮頭

江南江北天塹人去人來畏途客夢自驚談虎
歸心不爲思鱸

夏日園中作二首

高柳鶯聲已老閒門芳草初深小園一夜風雨
萬樹枝頭綠陰

竹外新蟬咽露天涯靡草先秋春光滿眼非昨
絡緯催人白頭

田家樂十首

蘿逕松門上下菜畦麥隴東西乳雞水鳥爭浴
逐婦晴鳩亂啼

不瓦不泥竹屋半開半閉松門種魚夜放新水
牧犢閒登古原

竹間泉溜泱泱樹杪山禽關關春浦子魚欲上
晚塘乳鴨初還

秫田新釀初熟黍地雞雞正肥醉臥松間石上
笑看蒼雀飛飛

稚子驅牛飲澗老妻織履編蒲夜來春雨初足

自向東園荷鋤

蘆菔蹲鴟數畝木奴益智千頭麥飯尊羹富貴
麻衣草坐春秋

赤日全消竹塢黃塵不到茅茨松下數杯新茗
花間一局殘棋

東籬芍有佳色南畝禾多兩岐野老來時共酌
海鷗到處相隨

處處水田山繭村村芋栗雞豚滿載先輸賦稅
一生不到公門

采藥時逢道侶聞鐘每過僧家自笑非仙非佛
逍遙極樂生涯

村居六首

性懶豈宜朝市心閒自愛漁樵支枕松間石榻
移舟柳外溪橋

飛鳶撒振欲墜游鱗揆刺將飛會心正在何處
水綠山青釣磯

青黃麥圃菜圃紅白梨花杏花近浦酒帘釣艇
隔江燈火人家

嬾僕不通客刺癡兒能讀父書臥聽秋聲何處
斜陽一樹櫻櫚

梅花紙帳獨宿貝葉經文自摩謾說無腸刺史
真成有髮頭陀

居身不夷不惠避世非晉非秦日日漁舟來往
桃花洞口無人

春宮怨

太乙夜分綵勝金吾朝進青旛莫問花開幾許
春風不到長門

題畫

潮去蒹葭森森風來蘆荻蕭蕭一葉漁舟何處
斷烟殘月浮橋

漫興

世事眼前日暮生涯皮裏春秋故園雲水無恙
苦海風波未休

秋意

銀漢雙星耿耿寒透玉闌金井月明夜半自來
閒却一窓花影

卽事二首

紅葉滿林撼撼滄波遶屋濕濕莫問夜來風雨
倚樓自看青山

蟬吟竹露初落鶴蹴松花亂飛稚子閒敲石火
道人起曬荷衣